



HRW.org

ICC: Kony lwak ma gitimo bal ikom gi me yero lapilida ma meg gi *Kot ma gi tye ka pido ne in kom lok pa Lord's Resistance Army omoyo kamaleng peko mapol*

(Amsterdam, 29/08/2017) – [Kot me wilobo pi bal \(ICC\)](#) myero oket tam ki miti pa lwak ma gitimo bal ikom gi wi ati ka oo ikare me yero lupilida me cung pi gi I ot kot, Human Rights Watch owaco I coc ma okati tin.

Ripot man ma pote tye 60 dok coc madit me wiye waco ni “Anga ma obi cung pi Wan: Cungu pi lwak ma gitimo bal ikom gi I adot ikom Ongwen ki Lok Mukene,” poro kit yor ma kinyero kwede lupililida pi pa dano ma gitimo bal ikom gi ii kot ma kitye ka pido ne I kombedi ni, ki kit ma kot man otimo kede jami ma kit meno I te cik ma meg.

Iyim kot ICC, dano ma gitimo bal ikom gi tye ki twero me cungu dok cwalo dwan gi iyim kot man ikare me winyo pido dok bene twero me yero pi gi ken ki lapilida ma cung cung pi iyim kot man

Yub me ungu dok winyo dwan pa dano ma gitimo bal I kom gi gi iyim kot man, obedo yub manyen dok yub mapire tek tutwal I pido me kot wilobo. Yub man ma kubu kin dano ma ki gitimo bal I komgi ki kot.

Ento kwed pa dul me Human Rights Watch otyeko onongo ni tim pa kot man me pore ki cik gi dok pe tye ka cobo ticce me neno ni tam ki dwan pa lwak ma gitimo bal ikom gi woro, giwinyo dok bene gitiyo kwede ikare me moko tam ikom kit me yero lupilida ma cung pi gin iyim kot man.

“Bedo tye dok winyo dwan pa lwak ma gitimo bal ikom gi I kot twero konyo me weko gin winyo ni ngol ma atir otimme,” Michael Adam me Colombia Law School Public Interest ma kom bedi tye ii Human Rights Watch calo welo I lok me kwan ma malo I kom miri ki [international justice program](#) owaco. “Kot ICC myero ongi odoco yoo maber me konyo lwak ma gitimo bal ikom gi ka oo ikare me moko tam ikom anga ma obicung pi gin I kot.”

I coyo coc man, Human Rights Watch oloko ki lwak ma ikabedo ma lweny otime iye, luwang dul ma pe jenge ikom gamente ki lutic pa ICC. Human Rights Watch bene okwano ngol mapol pa kot ma kwako kit ma kiyero kwede lupilida pi dano ma gitimo bal I kom gi I pido pa Ongwen ni.

Ongwen onongo obedo latela I dul mony pa [Lord's Resistance Army](#), dul adwi me lobo Uganda, ma gicwalo pdio i kmogi ii kot me ICC I dwe me acel mwaka 2015. Dul aryo ma pat pat pa Lupilida tye ka cung pi lwak ma maromo 4,107 ma gitimo bal ikom gi. Lwak magi tye ka cung dok cwalo koko gi i yim kot pi bal onyo koko 70 me bal me lweny ki tim aranyi madonog i kom dano i kare me lweny, [ma ocake i dwe me apar-aryo mwaka 2016](#).

Cik pa kot miyo twero ki lwak ma gitimo bal ikom gi me yero lapilida ma meg gi, ento lungol kop me kot man bene twero penyo lwak ma gitimo bal ikom gi me yero “lapilidia acel pi gin weny onyo lapilidia acel pi dul dano ma gitimo bal ikom gi ma gin ngeyo”. Ka lwak ma gitimo bal ikom gi pe twero yero lacungi gi i nyim kot, kot twero cimo lacungu pi gi.

I dwe me Abungwen me mwaka 2015, I ngol ma opoko tam in gin dano mapol, lungol kot me ICC ma pido kot me acaki I kon Ongewn, okwero dul lupilida ma dano mogo ma gitimo bal I komgi onongo guyeru ni ocung pi gi. Kot ocimo lupilida ma latel wi gi obedo lapilida madit pa kot me cung pi lwak ma gitimo bal ikom gi kun gicimo nok pa lim ki bene ni yer ma giyero kwede lupilida me kumalo me Uganda ni pe giyaro kamaleng. Kadi bed ni kot omoko me ye ki lupilida magi me mede ki cung pi lwak ma gitimo bal ikom gi, jo ma oyero lupilida magi pe giye ki gin me nongo kony ma kwako cik pi mwaka acel pien kot ongolo lok ni lapilida ma kot oyero keken aye onong kony.

Malube ki pido ma kot me ICC otiyo iye macok-coki, Lungol kop ocimo lucungu labongo kube matut ki lwak ma gitimo bal ikom gi. Cik me mwaka 2011 ma otike me neno ni cungu pi lwak ma gitimo bal ikom gi obedo ma ocwiny, kacel ki gwoko cawa ki lim, nen calo obedo tyen lok acel ma oweko pe gitero tam pa lwak ma gitimo bal ikom gi calo tam ma pire tek ikare me yero lucungu.

“Cik pa kot me ICC pe twero miyo twero weng me nongo lapilida ki lwak ma gitimo bal ikom gi, ento gigwoko loc-ken enoni I rwom ma lamal,” Adam owaco. “Mite ni kot obed ki cik maber ma kato matye ni me tito tyen lok malube ki awene ma gidonyo ka kwanyo loc enoni ki bot lwak ma gitimo bal ikom gi.”

Lobo ma lumemba me kot oketo lok matek ikom kot me dwoko rwom me tic ki lim, dok gi odiyo kot me dwoko kare ma gityeko kwede winyo pido. Dic man nen calo tye macalo adwogi me kit ma kot oyubu kwede ticce ki cikke ikom cungu pi lwak ma gitimo bal ikom gi, ki kit ma lungol kop moko kwede tam ikom lucung pi lwak ma gitimo bal ikom gi ma kot aye cimo. Komkare ni kot tye ka ngiyo odoco yi yube malube ki cik, ma ikine tye cik ma kwako lwak ma gitimo bal ikom gi.

Lungol kop me Kot ki me Regictri myero oket cik maleng ma neno ni moko tam me cung otiyo ki tam pa lwak ma gitimo bal ikom gi, Human Rights Watch owaco. Kot myero okati ki lacim pi kare ma en bikonyo lwak ma gitimo bal ikom gi me yero lapirida ki awene ma en bimoko tam me timo ne kikome macalo yo me agiki. Kot myero oti ki opici ne matye ilobo mukene me neno ni lumok tam me ICC obedo ki ngec ma mite ikom peko pa lwak ma gitimo bal ikom gi kacel ki pa lwak ma ikabedo ma bal otime iye. Lobo ma lumemba me ICC myero onen ni kot man tye ki jami tic calo lim ma oromo me keto cik magi itic.

Peko me nok pa lim I ICC tye ka balo kero pa kot me kube macok ki lwak ma gitimo bal ikom gi, dong pi man twero balo ticce me ngol ma atir” Adam owaco. “Kot kacel ki lobo ma lumemba me kot myero onen ni jami me tic tye ma oromo me konyo kor tic ikabedo ma bal otimme iye wa ki me miyo kony ma kwako cik ki lwak ma gitimo bal ikom gi.”

Canduk me cwalo dwon

Gin ma ICC myero otim

- Oyub cik, medo ki kony ma kwako cik ma gwoko twero pa lwak ma gitimo bal ikom gi me yero lapirida gi.
- Oti ki opici pa ICC wa ki lutice matye ilobo mukene me kwedo matut lok, tam ki miti pa lwak ma gitimo bal ikom gi.
- Omyero omi kare ma oromo ki cawa ki lwak ma gitimo bal ikom gi me moko tam ma ocwiny

Gin ma lobo ma lumemba me ICC myero otim

- Omyero gumi i ki kot mei ICC jami tic ma oromo wek kot oti ki lwak ma gitimo bal ikom gi maber